

MBONGWANA MPONA KOZWA MUKANDA YA MUSALA MPONA BA DEMANDEURS D'ASILE
EKOBANDANA LE 25 AOUT, 2020

Trump na batu naye bawuti kobimisa mibeko ya sika oyo ekokomisa mukanda ya musala (permis de travail) mpasi kozua mpona na batu ya ngunda. Lokasa oyo ezali kolimbola ba mbongwana minene ya mibeko ya sika na ndenge etali batu ya ngunda. Mibeko ya sika ezali mobulu, kasi tokolobela kaka ndambu. Mutu nyoso ya ngunda oyo ayebi te nini asala mpona kozwa mukanda ya musala esengeli asolola na avocat ya immigration.

Mibeko ya sika ekobanda tangu nini ?

Mibeko ya sika ekobanda le 25 Aout 2020. Mutu nyoso ya ngunda oyo akosenga mukanda ya musala na sima ya le 24 Aout, akozala na nse ya mibeko ya sika.

Tolobela ndambu ya mibeko ya sika. Ezali nini ?

Mibeko ya sika ezali kosenga na muntu oyo abuaki ngunda azela mikolo 365 mpona kosenga mukanda ya musala: Kasi liboso esengelaki kozela mikolo 180.

Na mibeko ya sika, mutu akozwa mukanda ya musala te soki kaka:

- **Olekisi mbula moko mpe nanu obuaki ngunda te** kobanda tangu oyo ya suka okotaki na Etats Unis. Okozua mukanda soki kaka zuzi to mpe officier ya immigration amoni ete yo ozali exception. Kasi ekoki kozwa ba mbula ebele. *Mibeko oyo ezali kaka mpona batu oyo babuaki ngunda le 25 Août, 2020 to mpe na sima ya le 25 Août, 2020 mpe mibeko oyo etali bana miki te, ba oyo bakoti awa bango moko, oyo tobengi "Mineurs non accompagnés."*
- **Mutu nyoso ya ngunda aye makolo mpe aleki te na poste frontalier officiel :** Mutu nyoso ya ngunda oyo akatishi frontière le 25 Août to mpe na sima mpe akutani te na officier ya immigration akozua te mukanda ya musala. Exception ezali kaka soki : (1) bakendeki bango moko kokutana na officier ya immigration 48 heures kobanda na tangu bakotaki. (2) Mpe bayebisi officier ete balingaki babuaka ngunda mpe bazali kobanga kozonga na mboka na bango; mpe (3) bazali na motif valable na ndenge bakoteli na Etats Unis.
- **Mutu ya ngunda oyo asali retard na likambo na ye :** Gouvernement ekobanda lisusu te kosalela « Chrono mpona ngunda » oyo ezalaki kotanga mikolo 180 mpona kozela yambo ya kosenga mukanda ya musala. Sikoyo, bakoboya kopesa mukanda ya musala soki obongisi te retard na yo na ngunda kolandisama na mokolo oyo osengi mukanda na yo ya musala mpona mbala ya liboso. Mibeko oyo ezali te mpona batu oyo bazali ko renouveler mukanda ya musala. Retard oyo mutu ye moko asali ekoki kozala: Kozanga kotia misapi, kosenga babakisela yo ngonga mpona oluka avocat, kosenga lisolo na yo ekende na tribunal mususu, kobakisa ba preuves na nse ya mikolo zomi na mineyi (14) yambo ya kosamba epayi ya officier.
- **Mutu ya ngunda oyo abuki mibeko:** soki bakateli mutu oyo abuaki ngunda etumbu to soki mpe abuki mibeko misusu, akozwa mukanda ya musala te. Mibeko ya sika ebakisi mibeko misusu oyo mutu akoki kobuka awa na kati ya Etats Unis to mpe libanda oyo ekopekisa ye mpona azua mukanda ya musala.



Ezali na makambu oyo mutu ya ngunda akoki kosala avant le 25 Août mpona kokima mibeko ya sika?

Batu misusu na kati ya batu oyo babuakaki ngunda bakoki avant le 25 Août, 2020 kotelema mpona likambu na bango mpona kokima likama kolandisama mibeko ya sika, ezali:

- Batu nyoso oyo babuakaki ngunda mpe mikolo na bango ezali kotanga mpe bakokokisa mikolo 150 avant le 25 Août, esengeli na bango basenga mukanda ya musala avant le 25; soki te, bakozela mikolo 365 mpona basenga mukanda ya musala.
- Batu nyoso oyo basengeli babuaka ngunda kasi balekisi mbula moko (to mpe mbula moko ekokoka tii le 25, 2020), esengeli na bango babuaka ngunda avant le 25 Août. Soki te, bakozwa mukanda ya musala te tii kaka zuzi to mpe officier ya immigration akozwa mokano mpona likambo na bango, ekoki kozwa ba mbula ebele, (sauf kaka soki azali mwana oyo akoti awa ye moko, “mineur non accompagné”).